

Headline	Tunku Azizah kongsi petua masakan		
MediaTitle	Sinar Harian		
Date	01 Sep 2019	Color	Full Color
Section	Nasional	Circulation	140,000
Page No	13	Readership	420,000
Language	Malay	ArticleSize	216 cm ²
Journalist	N/A	AdValue	RM 4,579
Frequency	Daily	PR Value	RM 13,738



Tunku Azizah kongsi petua masakan

PUTRAJAYA - Raja Permaisuri Agong, Tunku Azizah Aminah Maimunah Iskandariah berkenan mencemar duli berangkat ke Floria Diraja Putrajaya 2019 untuk menunjukkan demonstrasi ma-

sakan cucur durian musang king. Keberangkatan tiba Tunku Azizah disambut Presiden Perbadanan Putrajaya (PPj), Datuk Dr Aminuddin Hassim dan isteri, Datin Murni Muda.

Tunku Azizah yang diketahui umum sebagai peminat dunia masakan kelihatan gembira melihat rakyat jelata mengerumuni kawasan demonstrasi masakan yang terletak di tapak buah-buahan Lembaga Pemasaran Pertanian Persekutuan (FAMA) untuk melihat baginda memasak.

Sambil memasak, Raja Permaisuri Agong tidak melepaskan peluang beramah mesra dan bergurau senda dengan rakyat yang hadir.

Tunku Azizah juga berkenan berkongsi beberapa petua mendapatkan cucur durian yang gebu dan enak antaranya meratakan adunan menggunakan alat pengadun, selain menggunakan gula kasar bagi mengelak cucur menjadi terlalu berair.

Raja Permaisuri Agong kemudian menjemput rakyat jelata dan pengunjung Floria Diraja Putrajaya untuk merasa keenakan cucur durian air tangan baginda yang dibuat menggunakan resipi bondanya. - *Bernama*



Tunku Azizah berkenan memasukkan bahan yang digunakan untuk memasak cucur durian sebelum diagihkan kepada pengunjung sempena Floria Diraja Putrajaya 2019 di Taman Botani, Putrajaya semalam.